



牽手佢夥計

1、食無飽？

「一支喙 ká-ná 屎罌仔 khang 食無歇」，這句是 king-thé 人枵 sâi、規日食食叫 ê 話，總是無 kài 好聽、tsiânn 歹入耳；m̄-koh，人 ê 腹肚明明 to hàu 飽無佻久，liám-mi 隨 koh 枵 ah，tse 嘛是事實；枵就食飽就等換枵，3 頓照時陣直透輪，攏無停睏，袂輸初一、十五 ê 月娘，m̄-bat 走 tsing、重 tânn 過仝款。

文祥 tú 才娶某 hit 幾冬，tāk 暝攏興 tshih-tshih，齣頭 pīnn 煞才睏會去；是講，都 m̄ 知按怎 tiòh，伊攏不時用比 ê、hainn--ê，舞 hit 款使目尾、半 e 推 ê 步數去招 in 牽手去做這款代誌，現現都 giàn kah beh 死去，kan-kan 仔歹勢到講袂出喙。

較有歲了後，是 m̄ 是春菊較大箍、血糖血壓無 kài 順 sū，定定有暗 sàm 病來纏 tuè，人袂清幽 ê 緣故，允伊 ê，含來 tshé 去 5-pái 看有 1 pái 無；講濟無濟，有合著年歲，嘛是 tú 好 niâ；m̄-koh，tāk 過文祥翻身落馬了後，hit 種食半飽、無夠 khuì ê 心 tsiânn，害伊 píng 來 píng 去翻 kàu 半暝猶睏袂 ka-tsuē；顛倒反春菊，伊內衫褲穿 tóg 去，都無一分鐘，tsik 時 kōonn-kōonn 叫，m̄ 知睏到第幾殿去 ah。

Tsiânn 濟冬前，文祥 bat 聽死忠兼換帖 ê 武義講過『食有飽』 kah 『食半飽』是差 tī tuè ê 代誌。

武義講：「2 人 ê 力頭盡 piànn，siâm kah 強 beh 斷氣，透身重汗 koh 一頭一面黏 thi-thi，親像 teh 做大水；這 tiòh 是正港 ê 『食有飽』！」

「這 kah 種番薯、tshò 柴嘛攞會 piànn 汗、喘袂離，kám m̄ 是全款？」

「..... 敢是無仝師傅咧！」武義隨 koh 接話：「平平是流汗，tam 入來喙內 tshenn 甜 tshenn 甜 koh liòh 仔有芳 khuì，出大力 kā 鼻，隨 hōo 人 ka-lún-sún，心魂起 tshio、變 hiâu，想 beh koh 來 1 kái；顛倒 m̄ 是作穉 hit 款臭 sióh 鹹魚仔味 ê 汗酸，會比 phīng--tit！有飽、無飽 tióh 是差 tī tsia 啦！」

講是按呢講，文祥信有 tsit-lō 代誌，一耳入一耳出，有聽 ká-ná 無聽 tióh！

料袂到 3 冬後，這種芳 koh tshenn 甜 ê 汗 siūnn.....，tī 文祥頭 kái tak 著玉霞，tshuā 去屏東一間客棧 tuà 暝 ê 時陣，正經生目睷 m̄-bat 看過目眉 ê 代誌，hōo 武義講 kah 對 tâng 對 tâng。

無張無 tī tam 入來舌內，tshìng 起去鼻空底 ê hit 種芳氣才 1 秒 niâ.....，比去對著大家樂 koh-khah tshia 颯、歡喜，2 ê mooh 有夠 ân，暢 kah 目屎 ko 強 beh liàn 落 - 來！siōng 袂堪 ê 是，文祥 kah 春菊做 20 冬 ê 翁某，講較歹聽攞 teh 驗屍，親像 teh 哺菜脯米、高麗菜 kuann 按呢無味無素，啥 mih 汗汁嘛 m̄-bat 出過，較 ke 文祥嘛規日，kán 準『食無飽』ê 枵 sâi hit 一樣，無 lám 無 ne koh 講袂出是啥 mih t'ai 故，才是害！

2、會搖 ê 眠牀

這暗，睏袂落眠 ê 文祥，頭殼內 ê 心神 liâm-mi seh t'ng 去早前，liâm-mi koh uat 過來倒 tī 身軀邊 ê 春菊，隨 koh 想 tióh 後過 ê 玉霞，一幕過一幕 ê 人影，一重過一重 ê 山崙，愈去愈深、ná 來 ná 暗，目睷皮澀 kah beh khàm 起來

地靈 tsiânn 輕 ê 暝尾，有 hit 種一絲一絲、tâuh-tâuh 仔無 kài 出力、tsiâu 勻 tsiâu 勻 koh 無出聲 ê 搖 tsuah，uì 身軀邊一直 tò 過 - 來

「有鬼, 才是奇！」文祥家己 teh 心肝內 nauh.....

「地動？」..... liòh 仔有成；m̄-koh, khah 有這款輕 báng-báng、hàinn 無停睏 ê 地牛換肩，應該 m̄ 是？

Ná 搖 ná 重力 ê 時陣，耳空 iah 利利 ê 文祥正經 tshuah 一 tiô.....；自按呢，伊袂愛 kā 春菊 phah 生驚，規氣 tèn 做睏死去全款，tuè 眠牀 ê 搖 tsuah teh 假 kōnn, beh kā 這齣戲看 kàu 透 ê 意思。

過無佬久，春菊翻身 kā 枕頭 sioh 入來 跔 phāng 睏坦 phak, 搖比進前 koh-khah 著力，文祥 ná kónn ná kā 目睷 peh 開偷 bī....., 有 siam 著春菊 ê 雙手攏 khngtī 下身.....；雄雄一陣 ê 滾絞，大概過有三、四秒 hiah 久才 tiām 去；春菊出力掀被，人 pīng-pīng 過 - 來，uát 頭掠假 kónn、tèn 睏 ê 文祥看一眼，suà 手 giú 棉被 siām ân, 敢是真 thiám ê 款，一目 nih tō m̄ 知人去 ah！

這齣啞 káu 仔戲才舞煞，文祥隨想 tiòh 往過去中興新村 ê 省訓團講習 2 禮拜，攏袂使 tng 來 ê 第 3 暝，伊 khà 電話 hōo 玉霞.....；內底有一段講著數念 ê 時陣 beh 按怎 pinn ê 代誌.....；註死 m̄ 死，kah 下昏暗春菊 teh 舞 ê khang 頭，足 sio-siāng--ê.....。

玉霞講：「聽會著聲，kan-kan 仔看袂著你 ê 人,」

「我知, tō 準你 piànn 來，我嘛無法度出去面會,」

「1 kái 去 hiah..... 久，害人規工無 gī-niū kah.....」

「會想無？」

「thài 會袂,」

「你攏按怎想？」

「人 buài kā 你講」玉霞頓 tenn 兩、三秒才 koh suà 話：「你會 kāng 笑」

「愛你都袂赴，thài 有閒工去笑咧？」

「袂使 kā 別人講 ooh；你 ài 先咒誓，我才 beh.....！」

「好！你緊講」

「暗時 beh 睏 ê 進前若想你，我 tō 目睷 ná kheh，ná 伸手落去 tshíh.....；koh 來.....，人 buài kā 你講」

往過 ê 玉霞，是 ná 想我文祥，ná 伸手落去 tshíh hia.....，ah 春菊咧？伊 tú-tsiah teh 想啥人？

真正是人比人氣死人，kui 腹肚 tsiâu 貯屎 ê 文祥，愈想愈怨嘆，翻 kah 天 beh 光，嘛猶金 sih-sih 睏袂落眠！

3、夥計 ê 暗話

這工拜四.....，無閒十 thóng 日 ê 工程評鑑，攞煞 a，稽頭做一氣 lik-līng 落 - 來，中晝 teh 食便當 ê 時陣，玉霞 khà 電話來.....，kan-ta 輕仔：「喂.....」一聲.....。

文祥隨接話：「食飽未？」這句是 in 定定 teh 用 ê 暗話，若有對 tâng，就會講 suà 落去。

「Tú 好食到一半.....。」電話 hit 頭嘛有聽著玉霞喙齒 ná 嘍 ná koh 講：「..... 想 beh 問你一項代誌。」

「你講.....」

「厝頂坪會 siáp 水，kám 會補 tit？」

「會 -ah.....」

「按怎補？」

「揀 1 工好天，塗沙粉掃 hōo 清氣，買一罐防水膠去淋，kuat 定有效！」；「..... 是 m̄ 是大漢新買 ê 厝尾漏？」

「Hēnn) --ah」

「新 ê-neh ! 」

「是買人舊 ê..... ; 落過雨才知影會漏，真正有夠衰 ! 」

「另工，我才來去看。 」

「應該免 ah ; 伊趕 beh koh 賣人，hōo 伊家己去 pinn 就好 ah。 」

「敢有 hiah 急 ? 」

「Āh 知，伊 to 講禮拜有人 beh 來看曆.....，按算拜六先去內外 khîng-khîng piànn-piànn 咧。 」

「按呢嘛好。 」文祥聽會出來玉霞 ê 尾意，tsik 時 kā 話母牽去別 tah 講：「頂工你叫我做 ê 海報，印好 ah，想 beh 緊 thèh 去 hōo 你。 」

「好是好..... ; m̄-koh 大漢 ê，m̄ 知 tī 時會去.....，問有定著才 kā 你講。 」suah 就掛電話。

才過 5 分鐘，電話 koh tân.....。

「你講 ê 防水膠，beh tuè 買 ? 」

「少缺 ; 建材行、五金店攞有 teh 賣。 」

「按呢我緊來 kā 大漢 ê 講..... 」

「免 ! 下班我會專工 thèh 去。 」

「Hōo 你破費 kám 好 ? 」

「細項 ê，我來..... ; 大攤 ê，才 hōo 你。 」

「祥哥，你實在對我足好 neh ! 」

「Mài nai--ah- 啦 ; 我猶有別 ê 會議，到這 tō 好，有話拄著才 koh 講 ! 」自按呢掛電話。

便當食煞，文祥吩咐邊仔 ê 助理講 beh 出去買一寡 mih 件隨轉來 ; 大概是半點鐘，tō kā 防水膠買著，順路行過安泰市場，就 uá 去頭 kàu ê 豬砵買 2 斤三層仔 ; sio 隔壁 ê 菜販仔直透 hiu : 「董 ê，買菜 ooh ; 過晝..... 算你較俗，kā 我交關一下 kám m̄ 好 ? 」

「你是錢嫂仔，是 m̄ ？」文祥半滾 sng 笑 ìn 講：「..... 都未領；你是 teh 趕啥啦！」

「你 kah 無 tng 來，人拜六暗嘛 beh 來去唱歌.....；先 thèh 先贏！」

「先 thèh，是佻濟？」

「算你 1 千 tō 好 ah。」

榮彬看老母 teh lián 錢，嘛順 suà 接喙講：「我 beh 買 2 本參考冊.....」

「佻濟錢？」

「大概 6 百.....」

文祥 jīm 褲 lak 仔 ê hô 包起來 píng，才講：「挂好空空無錢，禮拜才領 tng 來赴恁。」按呢 teh 回話，是攏總 ìn 好 ê 意思。

較暗，榮華嘛 kàu 厝.....；2 ê 囡仔身軀洗好，攏 kiu 入去房間 tsiünn 網路 phah 電腦，袂輸食著嗎啡按呢，tāk 工舞到半暝摸才會去睏；ah-nā 文祥，食飽 tō the tī 膨椅，全精神顧看 HBO ê 影片.....。

尻脊 phiann 有軟軟燒燒 ê 芳味 tah uá 來，伊知影是春菊，uát 頭問講：「洗好 ah？」

「Hēnn--ah」雙手津來文祥 ê 胸前講：「..... 這片好看無？」

電影 tng-teh 搬 17 世紀英國 ê 王宮內底，猴公 siānn 猴母 ê 古早代誌.....；2 ê 無穿衫 mooh-ân-ân ê 白豬仔，tī 蠓罩內 píng 起 píng 落，nuá kah 大細聲哀.....，文祥早都看 kah tshio-kiak-kiak，強 beh 袂擋 tit；m̄-koh，若 in 某 tī 邊仔，koh 看著這款較 sò ê 鏡頭.....，文祥隨去想著以早，大概 20 冬前，春菊去外口討契兄 hōo 伊 sa 著 ê 代誌，才 1 秒 niâ，親像掙一桶冷水 tuì 伊燒 lō ê 心肝 gàn 落 - 去仝款，tsik 時 hua 去、iünn 去；顛倒反是春菊早都 kā 進前 ê 見笑 t̄ai tàn 出十三天外，連影跡嘛揣無 ah。

心肝 tók-tók 想 beh 報復 ê 文祥，tī 1 冬後，嘛去外口 tàu 著 1 ê 翁 phuà 病過身，有 kah 2 ê 囡 ê 婦 jîn 人，伊才有法度 kā 規頭殼 ê gîng 心怨 tsheh liòh 仔 teh 低落去。

若 beh phì-siùnn 這種 bih-bih-tshih-tshih ê 偷來暗去是 tàu 爽、趁暢，m̄ 是真心 ê 意愛；顛倒較輸講……，文祥是 beh 消 tháu 舊怨，報田螺仔冤才是尻川後 ê 事因；年久月深，愈 tàu 愈齊勻，伊才有寬諒春菊 ê 腹腸，怨妒嘛較無 hiah 深 ah。

M̄-koh，看下昏暗 ê 劇情 tō 知影伊猶 teh khioh 恨，tháu 袂開這 ê 結頭，kah 往過仝款，見若姑不將做翁仔某 ê 代誌，嘛攏無心假有心揸籃仔假燒金去 nuâ 一 ē niâ；現現春菊 khiā 來問影片是 m̄ 是好看，無話借 ka-lé lā 起頭，顛倒招 hit 項代誌才是伊 ê 本意……；tō 順勢伸去 tēnn 伊 ê 手蹄仔講：「普普仔啦。」

Koh 過差不多十分鐘，影片搬煞，文祥 khiā 起來，換伊去洗跤手。

5、袂仝心 ê 鴛鴦

Siàng 落去眠床才 giú 被來 kah 腹肚……，春菊隨 khînn 來文祥 ê 胸前出 nai 聲講：「mooh 我」，仝時陣嘛伸手探落去文祥 ê 下身，輕仔 tēnn ân 講：「這我 ê……」

這句話聽差不多有一千遍，攏是春菊招 beh 討食 ê 時，才會按呢 teh kàu 枵。

文祥隨翻身起來 pak 春菊 ê 內 kah 仔，人 peh 起 lih 頂頭，雙手 lāk 春菊 ê 跤目仔，順勢 giâ 懸……，目頭結結，尻川斗向 tshian-tshian tō sak 進前，直透 lònng……。

講是貧情人才做下底，kah 這幾冬 ê 春菊真正 ke 大籬足濟，嘛有一寡牽連；伊肥罔肥，若 kah 貪著爽 ê 時，嘛真 kut 力搖，會趁暢 koh 趁人 teh 無閒，2 pîng 尻川 phué 直透徙，ná 搖 ná 出力，愈來愈緊……，雄雄一陣 ê 哀哀叫了後，親像消風 ê

雞 kui 仔講：「..... 人好 ah，想 beh 睏 loh！」意思 beh 收兵 ah。

論真，是春菊先 huah 講夠 khui--ah，文祥 uan-ná 順這 ê 勢面，假意 koh lòng 幾 nā 下，才 kik 一 ê m̄ 甘願 ê 聲嗽問講：「你 m̄ 是 beh.....。」

「Siáng 叫你 hiah 勇.....」春菊 tann 頭起來 koh 講：「..... 等禮拜暗 tng- 來，咱才來舞.....」隨 kā 文祥 sak 開，越頭攪被，無一分鐘 tō 睏死去 ah。

文祥恬恬 the tī 眠床頂家已 teh 想.....

不時嫌 siáu 嫌鼻、談 hâi 一大拖，足想 beh kā 踢落去眠床跤 hōo 伊家已去睏！

有 sio 唸，是喙唇皮 tam 一下 tō 隨 uát 去邊仔講 m̄；以早 kah 恁契兄攏無 teh 唸 siooh？

袂爽我食薰，嫌喙臭？..... 恁契兄嘛有食 neh，tse 攏講袂通！

手若摸奶，罵我 siunn 大力，喙 soh hainn 疼，beh 食伊 hia..... 嫌講無衛生！規身軀 kán 準框金 ê，攏袂 kháp--tit！

唸規晡，孤孤 tshun 一項.....；真正是五斤番薯臭八十一兩！

若 beh 論實話.....，我較愛玉霞，應該揣伊來做才 tiòh；m̄-koh，掩掩 iap-iap 是久久仔 1 kái，袂夠 khui；顛倒睏 tī 邊仔 ê 春菊，tāk 工做 tuì 頭，上討債。

橫直 tng hah ê 時陣，無魚蝦嘛好，有 tsing 差 ê，大爽 kah 小爽 niâ。

6、夥計招 peh 山

拜六早起.....，文祥先敲手機仔 hōo 玉霞講：「大漢講 beh 去新厝掠漏，走未？」

「7 點外 tō 出門 ah。」

「按呢我 tiu-tiu 來去恁兜 」

「你 kám 會使出來？」

「Khah 會問 tse？」

「你有牽手, 生成愛替你煩惱 ah。」

「牽手, 」文祥隨接話：「你定定 teh kah 我 lā tse, 講 kah m̄ 去 ê 代誌, 猶 teh liū？」

「好啦！你先 m̄ 受氣, 」玉霞頓 tenn 一下仔講：「人有當時 á 欣羨伊是真 ê。」

「啥 mih 真 ê, 我聽無？」

「像我無入恁兜 ê 家甲, tiòh 是假 ê..... 」

「Tse....., 我講才有準算！」文祥聽會出伊 teh nauh 啥, tuì 喙隨 in 講：「你 kám 知影, 真 ê 上 kài hiau-hīng, 假 ê 顛倒盡情！」

「祥哥；若 beh tiàm tsia 鎚 kòng 鐵, 咱 líng-khó 來去外口行行咧, 好 m̄？」

「好啦, 」sīm 差不多兩、三秒才 koh 講：「..... 大概 koh 15 分鐘會到巷仔口。」

今仔日有淡薄仔透風, 袂 kài 熱, 顛倒無啥人來 peh 山, 行 beh 點半鐘, 才碰著兩、三對 ê 山友, 攏有 teh sio 借問；雄雄玉霞指 tuì 2 隻 ná 飛 ná sio jiok ê 田嬰講：「in 這 2 隻是 m̄ 是 teh sio-phah？」

「M̄-tiòh；是 sio-tàh！」

「啥 mih sio-tàh？」

「親像雞仔 phah-hīng 按呢, 文祥跛步停落來, 目睷掠玉霞金金 siòng 講：「你正經 m̄ 知？」

「攏嘛 按呢 teh 飛起飛落, siáng 知 in teh pinn 啥 𩵮 。」

無張無 tī，這 2 隻田嬰頭尾 sio phuáh kap 做一身，to 無像頭拄仔 hiah liú-liáh，袂輸查埔、查某 sio 牽 teh 跳舞，tī in 2 人 ê 目睭前盤起盤落；文祥講：「tiòh 是 teh sng hit 項，按呢看有無？」順勢 kā 玉霞 mua 來胸前。

「人知 ah- 啦」面小可紅紅 ê 玉霞，雙手輕仔 sak 文祥，有 beh liòng 開 ê 意思繼續講：「tsia 有人會來，緊放開」

「Ná 有？」文祥大體仔偷 siam 前後，真正無人，tuè 手 kā 玉霞 mooh ân，喙 ànn 低落去。

大概 10 外秒，文祥才放開講：「你看，連半 ê 人嘛無！」

「你嘛 mài hiah 枵鬼，liâm-mi 才 hōo 你食一下仔較暢」話猶未煞，強 beh 喘袂起來 ê 玉霞，知影家已話講 siunn 緊，連耳仔根都紅起 - 來。

「講有定 ooh！」文祥 tu 正手 ê 尾指出來：「來，勾勾仔」

「人才無愛咧。」玉霞倒退一步 koh 講：「.....mài 亂 ah，好 koh 起行！」

十一點外，tī 山頂 ê 茄苳跤，總 phòo 是文祥、玉霞做 jī 手 beh 煮食；蒜頭 khiàn 芳，木耳、香菇 kah 臭柿仔先落去 kún 湯，beh 滾 ê 時，才下麵乾。

無時間 ê 文祥，喙咬薰 ná suh，手 ná 切 1 塊差不多四兩大，有先冷凍過 ê 三層仔肉，suà--lueh 換切一尾早起去菜市仔買 ê 透抽，kah 肉仝款 lio hōo 長長幼幼，講按呢落鼎才會緊熟 koh 袂老去。

水 koh 滾起來，麵嘛 beh 熟 ê 時陣，鼎 kuà 掀去邊仔，倒透抽 kah 肉入去；才過半分鐘，文祥先 kā 薰 kuéh 仔 tshíh hua，suah 鹽 kah 味素落去，khat 一點仔入來喙內試鹹 tsiánn，ná tìm 頭 ná 呵佬講：「讚！」

上尾 kā 沿路 bán ê 咸豐草新 ínn tàn 入去，hip 30 秒了後，文祥 ná 關火 ná huah 講：「會使食 ah。」

「Tsiânn 奇 neh ? 」

「奇啥 ? 」

「是按怎你煮 ê 攞較好食 ? 」玉霞 ná 收碗箸 ná 問文祥 :
「..... 我 bat tī 厝，嘛照按呢舞，to 袂 hiah 好食。」

「Tse.....」文祥 kā phāinn 仔 hàinn 起 lih 肩胛講：「透抽 kah 肉袂使煮 siunn 久；滾才落水，30 秒 tō 好關火，保領 khiū koh 脆；mê 角出 tī.....，你攞驚無熟，肉 kah 透抽 tō 會 lūn koh 哺無法 lih，定著歹食.....」

玉霞聽 suah，uá 來 kā 文祥攞 tiâu 講：「Àh 是你較 gâu，若無你講出來，我實在攞 m̄ 知.....」

反倒轉來是文祥家已歹勢歹勢講：「你 m̄ 是講山頂定定有人 bih 起來偷 siam 別人談情 sueh 愛，你 m̄ 驚 hông 看著？」

「人無管啦！」雙手顛倒 kā 文祥 ê 腰 siâm koh-khah ân 講：「kan-ta 攞著，khah 有驚人看咧？」

7、伊 teh 掛心啥？

2 ê 真正 so 來 so 去，唸 kah m̄ 知 thang 煞，害文祥強 beh tsih 載袂 tiâu，趁歇喘 ê làng-tsām tō 開喙講：「人想 beh 來去 hia.....」

玉霞 tìm 頭無出聲，放手 kā 衫 tloh 平，頭鬚 pué hōo tshun，勾文祥 ê 手 khiau，同齊落山.....。

行到半 tsiūnn 路 ē，玉霞講：「腹肚幽幽仔疼，ká-ná beh 落屎 ê 款.....」

「會忍 tit- 無？」

「Tsiáh-tsiáh 起頭 niâ，koh 忍看咧。」

這款症頭 m̄ 是頭一 kái 才有 ê，見若出來行踏，加加減減攞會舞 tsit 齣 ê，上 hám--ê bat 真正落 4 遍足足；久來，文祥 liòh-liòh 仔知影 m̄ 是食歹腹肚.....，是 hit 種積 tī 心肝頭講

袂出喙 ê 見笑 kah 罣礙，親像囡仔 teh 做歹代誌，驚 hōng 拄著、認著 ê 心情，變做一種緊張 kah 壓力，hōo 玉霞 tī 落山 tshuân beh 去 hit-tah in 2 人會使 tau kah ân-tú-ân，暢到 peh tsiūnn 天 ê 進前，攏會來纏 tuè 袂煞，m̄ 是厚尿 tō 是落尿。

Koh 行無一分鐘，正 pīng 有小可會認 tit ê 路痕仔，tú 好 thang bih 入去幾 nā 樣發 kah 足旺 ê 竹 phō 跂去；玉霞 隨講：「我入來去 thàu-thàu 咧，你 tiàm tsia 顧。」

看玉霞 koh 行出 - 來 ê 時陣，文祥開喙問：「有較爽快無？」

「好濟 ah。」ná 講 ná koh 問文祥：「定定按呢，有啥計 智無？」

「Mài 想 siunn 濟、心肝放較開，tō 袂 ah。」

「Siáng 叫你 m̄ 是阮翁」喙角笑笑目睷掠文祥 kàng 一下，才 koh 起行。

8、半路臆謎猜

Teh-beh 到山跂 ê 進前，有幾擔販仔排 tī 路邊賣山產，做 in 頭前有一對翁仔某 tng-teh 交關金瓜猶未煞；玉霞 遠遠看著，出招講：「咱 uá 來去看 māi，好 m̄？」

文祥隨 in 講：「好 ooh。」

有聽著 in 這對翁某 teh 講話。

某問翁：「你 beh 順 suà 買無？」

翁：「看有較細 ê- 無。」

某：「切開，做 2-kái 食；thèh 去冰 tō 好 ah。」

「囡仔對金瓜無路，買細粒 ê 較袂 ko-ko 纏。」

查埔人 jīm 錢 hōo 販仔，揸 2 袋塑膠 lok 仔 tō 走 ah。

換玉霞 khû 落去問價數、揀金瓜，thèh tī 手蹄仔直透 tìm，khng 落 - 去 koh mooh 起來，舞差不多有兩、三分，文 祥攏 tī 邊仔恬恬看；路尾伊 pìng 一張紙票仔 hōo 販仔找。

Ná 落 kiā，玉霞越頭問文祥講：「拄仔 hit 對翁仔某，ká-ná tsiānn 恩愛 ê 款。」

「你按怎看 ê？」

「金瓜 kah 2 跤 phāinn 仔攏 in 翁揸，出錢嘛伊，這款翁真 tah 心 neh！」

「Tah 心、恩愛攏是真 ê，無人會嫌……；m̄-koh，in 2 ê m̄ 是翁仔某。」

玉霞有一點仔好玄問講：「你 khah 會按呢臆咧？」

「查某問查埔『beh suà 買無？』，tiòh 是 2 家無仝灶 ê 意思；另外，查埔 ê 有講著『囡仔對金瓜無路』，是查埔這家 ê；伊若是正港 ê 牽手，thài 有 m̄ 知囡仔愛食啥 ê 道理！」

拄好行到停車場，2-ê 人攏一身軀汗澹澹，玉霞 ná 戴安全帽 ná 講：「真正是 gâu--ê 聽話尾；你 thài 會 hiah khiàng 咧！」hānn 過機車 ê 後座，雙手箍腰，心槽 kut 仔 tah uá 去，講：「會使行 -ah。」

澹 kah 會黏跂脊 phiann ê 薄衫，tòo 過玉霞膨 sai-sai ê 胸坎，袂輪 hiannh 柴添火，愈燒愈旺，hōo 文祥 ê 身軀 kah 機車，親像 teh 雲頂飛按呢，tsiānn 緊 tō 到 ah。

9、Beh 死 beh 活 ê 戲尾

玉霞 thèh 蓮蓬頭 ná 沖 sap-bûn 泡 ná 問文祥講：「人講毛濟 ê 查埔，hit 項較勇，kám 真 ê？」

「Liām-mi 你 tō 知 ah。」噴無歇 ê 蓮蓬頭 sa 過來 khuè 轉去原位，水仝款放 hōo sà-sà 流，伸手 kā 玉霞 ê 肩胛 tshíh 低落 - 來……。

自按呢這暝，phiat 步、絕招總來，十八般武藝盡出，mih-á pà-á 齣頭一直搬，uì 下晡 6 點外起，舞到翻點……。

玉霞講伊若做頂頭 teh 起起落落，ah 是 séh 圓箍仔 teh e 棵……，才掠會著真正 ê thiòng 筋，ngiau 著伊上爽 ê 所在，

足濟 kái 飛起 lih 天頂 koh siak 落來塗跤兜，死死昏昏攏 m̄ 知人；伊 koh 講 hit 種心魂強 beh kiânn 去 ê 前後，親像 tsai 落去大坎，無 mih 件 thang sa，koh 有 sîng 跳落去海窟，khui beh 絕去；頭殼內、目睷前攏 hōo kui 片烏 mà-mà ê 霧霧、水湧 tah 著，袂出聲……。

「人 tiòh 是按呢，m̄ 才 kā 你 siâm hiah tiâu；若無……，tō 真正 puah 落去死 ah。」話講 suah，目睷 kheh-kheh.kui 身軟 só-sô phak tī 文祥 ê 腹肚頂，袂 tín 袂動。

顛倒文祥攏無 tsùn-būn 著，親像鐵枝 giâ 懸懸，thuh 到天光攏無消去；論真，m̄ 是伊較勇、較有 tòng 頭，是伊知影 tng 去猶有一場 kap 春菊 ê 大工事愛 tuì-tshiâng，袂使 tī tsia 總 piànn-piànn 出來 hōo 玉霞，講較白咧，是 gâu 忍、gâu tsún-tsat niâ。

隔工是禮拜日，文祥 ài 去看釘枋模 kah pák 鐵筋，透早 6 點半 tō 去 hōo 玉霞 hiàm 精神起 - 來，問伊講：「會 thiám 無？」

話都袂 suah，文祥隨 in 講：「猶 tsiânn tshio-tiô 咧，免操煩 tse……。」

10、變形 ê 牽手

電視 tng teh 搬連續劇……。

查某人手插 tī 腰 nih，面 tshiunn tsiânn bái teh 罵 in 翁：「淋酒、puah 筊……，啥 mih 匪類代誌，攏 ē-tàng 放目……；m̄-koh，恁祖媽獨獨『kah 別 ê 查某公家翁』這項袂忍 tit！」

「Tann 你是 teh huan 啥啦！公司年底食尾 gē，順路坐便車 niâ，你嘛好心好行，mài 亂 sú 牽拖！」

「免 koh tsènn--ah，都 mài hōo 我 tng 著，若無 kā 拆食落腹我才輸你！」查某人雙手 om 面 teh tsheh 氣，tsiâu 是 hinn-hinn 叫 ê 哭聲。

Suah 落 - 去是 lò-lò 長 ê 廣告，春菊嘛趁這 ê 時陣，走去浴間仔洗 phông-phông；ná 沖燒水，頭殼內家己 ná teh 想.....。

文祥是一 ê 顧家、認份，斯文 koh 好性地 ê 查埔人，真正是點燈仔火無 teh 揣 ê 好翁婿。

M̄-koh，這幾冬內，tī 時.....，我 tsiânn 實記袂起來；伊 hit 種 líh-líh-lòk-lòk ê 目矦仁，有足深足深 koh 看袂明 ê 曖昧 tī hia seh 來 seh 去，內情是圓是扁、是烏是白，我頭殼想 kah beh 破去，嘛攏無下無落。

Ah-nā 伊 teh 做 thò，講有代誌 uànn 轉來 ê tàk 句話，前前後後總是有兩、三分仔鬥袂 bā，kan-kan 仔臆無是 tó 一 tah teh thut-tshé、走 tsuah 去？

春菊伸去 huê 霧霧 ê 鏡面；..... 鼻目喙猶嬌款、面色仝款白 phau-phau，可惱 ê 是比往過較 hám-phúh、有油，koh 看 tiòh 規箍圍 tī 腹肚邊 ê 肥肉，目頭隨結 uá 來，暗 huah 一聲「阿娘喂！tsiah 厚 ê jī-nng，tiòh-ài 按怎創才會消咧？」

這 2 粒 póo-póo liap-liap、seh 神 seh 神 ê 胸坎，先 mài 講文祥佹久 m̄-bat khînn 來 inn 纏.....，這款連我家己都看袂 kah 意 ê míh 件，伊 thài 會 hìng 啦！往過 2 粒細 bóng 細，thîng kah 親像食飯碗按呢，文祥 tàk 暗攏愛 suh 一 kái 才睷會 ka-tsuē ê 奶 póo，到底是走去 tuè 咧？

敢是我目花 ah，鏡內 hit 2 tè 扁扁 koh 垂垂 ê 豬尻川 píng，kám 真正是我 ê mooh-tah？Thài 會變按呢咧？

拄才嫁伊，文祥上愛 uì 圓圓 koh 翹翹 ê 後斗縫 nng 入 - 去，hit 種哀 kah peh tsiūnn 天 ê 爽快，連我都強 beh tuè 伊大聲 huah 出 - 來；是講，hit 陣伊攏袂 hainn、袂 kainn.....，是 m̄ 是少年較 pì-sù 歹勢出聲 ê 緣故，我嘛無 kài 清.....；tann ê 文祥，suah 攏無 beh koh sng 這齣 ah，見若 hānn 起來腹肚頂，出大力 lāng 幾下，看我袂堪 tit，隨 un 落去睷；tse 猶無打緊，siànn-tú-siànn--ê 是伊 m̄ ak 我 ê 花蕊，hōo 我爽一下

仔 kàu 底，才是 gé-siáu；是講……，伊按呢 pinn，是 beh 留落來 tsuānn tó 一 ê 破 bâ 咧？

青 pōng 白 pōng，聽著柴門「khok！khok！」teh tân，春菊才回魂轉來。

「你好未？」是文祥 teh phah 門。

「好 ah……。」身軀圍大條巾仔 ê 春菊，開浴間 ê 門出來，ná 拭頭髮 ná koh 講：「換你去洗 tñg，我來煮點心……。」

11、翁婿 ê 怨感

身軀未 bak 水 ê 進前……。

文祥用倒手輕仔 phô 著，正手 ê 指頭仔掌家己下身上尾 hit kuéh 帽仔 kinn ê lap 溝，有一絲絲仔黏黏、濕濕，是昨暝伊 kah 玉霞舞規暗，汗流 tàp 滴才留落來 ê；tu uá 來鼻，有淡薄仔芳芳、酸酸……，tsik 時親像迷魂藥按呢，tshing 入來胸前 ê 八卦，衝起 lih 頭殼內，順血路 koh 降落來丹田，灌入去燒 lō、飽 tiunn ê 馬頭，連伊家己嘛暗 huah 一聲：「這款燒熱、ta-sò ê 心火，真正無揣春菊來消 tháu 袂煞 ah。」

文祥手 giáh hit 枝有 tàu 長柄 ê bín 仔，勻勻仔 lù 尻脊 phiann，家己心肝內 ná 想……。

Tsiah-nī 讚 ê 原汁，下昏煞 tiòh 規碗總 hōo 春菊揸去啉，想 kàu tsia，心肝 tō 足 m̄ 願 ê；píng 倒 tng 來講，應該是 hōo 玉霞才 tiòh；論真……，若 beh pué-huē 這 ê 恩恩怨怨，講起來一山 phiann，會了袂盡。

查某人會反背 in 翁，去外口 siann 狗弄蟲、偷 kā 雞仔，若 m̄ 是 tsi-bai 癢、欠人 kàn tiòh 是嫌翁婿 han-bān、看衰 bái，才會按呢；hit 陣……，m̄ 知 in hit 箍契兄創啥 mih 符仔水 hōo 伊啉，春菊嘛 tuè 落去 tshàng 鬚，做伙 kā 我寄聲，真正是好心好行無衫 thang 穿，做惡做毒。騎馬 lòk-khók。

若 m̄ 是帶念 2 ê 囡仔，早都 kā 離 kah 遠遠遠，叫伊 tng 去食家己 ah；這款比海較深 ê 冤仇，m̄ 是三、二句失禮、咒重誓，我 tō beh 放伊干休、任伊逍遙，iah m̄ 是三、五冬 tō 有法度 tī 頭殼內 hú-hú tō beh 準煞 ê 代誌；講較 hām 咧，若無等我掠去塚仔埔種，這 ê 恨袂消啦！

Ah-nā 玉霞 tō 無仝 a，翁死 tō kan-ta tuè 我；有情有義，死忠 koh 袂枵飽吵，上感心 ê 是伊有量 koh 袂 tsiàm-kuân，不時 to 吩咐講……，『春菊是恁牽手 neh，準講無愛伊，三不五時嘛著起來應付……』；這款細 jī 有 tsām-tsat ê 好查某，是 beh tuè 揣啦！

12、洗無清氣？

點心食煞，電火禁 hua；文祥知影又 koh beh 『應付』 ah；這款假戲若 beh 有心搬 kàu 會真，原本 tō tsiânn 艱難 koh 歹紡；總是 kah beh 『假』 ah，tō 假 hōo 成，才袂無彩工……；拎著馬索 ê 文祥，翻身 kā 春菊 ê 內 kah 仔好禮仔掀懸，伸手蹄仔入去頂 ē 罔 lāng 罔掌，頭殼嘛 ànn 落去 ná 咬 ná suh，有聽著春菊 teh 耳空邊 hainn kàu hinn-hinn 死，看 pān 勢 tng-teh 起 pōng ê 款，文祥 tō 輕聲講：「我想 beh……」話都未煞，手嘛同齊 uá 去 liù 伊 ê 內底褲……。

「Ing 暗……，mài 啦。」 ná 講 ná 伸手來擋。

「是按怎 hiooh？」

「這兩、三工，人有淡薄仔無爽快……」

文祥 uan-ná 隨問：「有去看醫生無？」

「2 工前有去……。」

「醫生按怎講？」

「……愛 tsinn 3 工 ê 藥仔，才有 ìng 效。」

Liòh 仔 gāng 去 ê 文祥 koh 問講：「這 khui 定定按呢，koh 治袂斷根；你 kám 無問醫生，是按怎咧？」

「Thài 會無……」春菊勻仔坐起-來，尻脊 phiann phing tī 眠床頭講：「有吩咐我 ê 內 kah 仔愛另外 khioh 出來洗……」

「…… to 攏有按呢 teh 做 ah。」

「Tiòh 是講 m̄。」tiú-tú 兩、三秒，才 koh 講：「你下身 hia.hit-ling……，定定洗無清氣，人才會按呢 ah」

無心假有心 ê 文祥 tsik 時總冷去，聲嗽無 kài 好講：「kiah 有這號代誌？」內褲 tuè 手穿 tng 去，才 koh 回話：「……thing 候好較離，才來！」ná 翻轉身 ná hah-hî，袂 giàn koh tshap 伊。

Hōo 春菊 gîng kah 睏袂去 ê 文祥，目睷金金 bih tī 被內，伸手去 tēnn 拄才春菊 teh 講 ê 『下身 hia hit-ling』……，hit 種飽米 koh 燒熱 ê 勢面，原本會消 tháu--tit，tann 攏煞戲 ah；m̄-koh，伊講『定定洗無清氣……』；……駛恁 né-lih，我文祥做一 ê 查埔囡，我敢咒死絕 tsuā……，春菊講 hâu-siâu！

…… kah 玉霞去 peh 山，見若行到較 iap-phiah、閃角 ê 所在，才無 teh 管是汗 iah 雨、是芳 iah 臭，叫伊雙手 huānn 樹頭，……向 tshian-tshian tō kā huainn 落去，連『洗』嘛無，kám 有『清氣』？

……hioh 晝招玉霞 bih 去材料室，sù 常嘛 kiāt-kiāt 咧，才 khiú 出來叫伊 suh，有 tang 時仔我嘛 phak 落去食伊 hia，舐 kah 袂擋 tit，tō koh kiāt，kiāt thiám tō 換喙食，來來去去舞幾佻 huan，喙 nuā、汗酸 kah 原汁沐來沐去，摻摻做一伙，爽 kah beh 歪腰去，按呢是 lah-sap ah 是清氣咧？有洗無洗 kám 有差？

……上奇 ê，玉霞是一 ê tì 重衛生、足清氣 siùnn ê 婦 jîn 人，bat 伊 hiah 久 ah，猶 m̄-bat 聽伊講肚尾會癢、tiòh-ài tsinn 藥仔……，tsia-ê táp-táp 滴滴 ê 暗 sàm 病來煩伊-過；平平是全一 ê 查埔人、全『hia hit-ling』，thài 會一丈差九尺咧？

.....kah 按呢來，『洗無清氣』是春菊烏白講，掠我來 tshē 這條 siàu--ê；m̄-koh，我 ê 心 tsiânn 袂輸啞 káu 仔 teh 死困，準有枉屈嘛無地 thang tâu。

憑良心講.....，我 uan-ná 有看著伊 thêh 一粒圓圓尖尖 ê 藥仔出來 tsinn，應該 m̄ 是 teh 搬戲才 tiòh；若準有身苦病疼來纏 tuè，我 koh 枉屈伊，真正 tō 無天理 ah。

13、報馬仔

電話 teh tân，春菊 giáh 起來聽，是 in 小妹春梅 ê 聲.....

「阿姊.....」；「姊夫今仔日去 tó 你知無？」

起頭 tō 按呢問，春菊嘛「tshiak！」一下，心肝鬼仔 tiô kah phòk-phòk 叫，強 beh 袂曉 ìn，隨回話：「有講 beh 去陽明山 ê 中山樓參加一 ê 啥 mih 會.....」

「阿姊，伊騙人！」

春菊知影阿梅一條腸仔 thàng 尻川袂講白賊，tō 回話：「按怎講？」

「我 tī 二子坪 hia 看著伊 kah 外口 ê 查某，10 枝指頭勾 ân-ân teh 散步，去 hōo 我 tñg 著，ná 有去開會！」

「你有認 m̄-tiòh 人無？」

「Thài-thó 有這號代誌.....；我 ê 目色是一粒一！」

「你先講伊穿啥 mih 衫？」

「.....紅 ê 花格仔衫，hit 款登山隊 ê 人定定.....」

「阿梅你老 ah，tiòh-ài 去配目鏡，才袂匏仔看做菜瓜.....」

「阿姊.....」 「姊夫 ê 尻川翹翹，我 siōng 會認 tit.....」

「你講 ê 花格仔衫，早都洗 kah 破去，tàn 去回收.....；koh 再講，少缺尻川翹翹 ê 查埔人.....，kan-ta 看一目，袂準！」

「M̄-koh，遠遠 tuè 到大屯坪 hia，看 in 行對大屯北峰起 lih.....；明明是伊.....，kám 會看 kah 花去咧？」

「阿梅.....」；「若 kah 有歲，tiòh-ài 認老；m̄-koh，我嘛是多謝你 ê 好意 kah 關心.....」

頓 tenn 兩、三秒，阿梅才 koh 講；「..... 姊夫到厝未？」

「..... 出門 ê 進前有講 beh tńg 來食暗；這陣 6 點半，應該 teh-beh--ah。」

「Kah 按呢，無代誌 siōng 好，我嘛 beh 緊來去煮暗頓.....」講煞隨掛電話。

人有 liòh 仔 gāng-gāng ê 春菊，手 giáh 話筒差不多 10 外秒才 khuè--tńg- 去，頭殼內一直 teh 想.....

有影是穿 hit 領紅 ê 花格仔衫，文祥 ê 尻川嘛翹翹.....，春梅講 ê 攏 tiòh；總是，先 kā 厚話 ê 小妹安 tah，才袂風聲烏白傳，phah 歹名聲！

20 冬前 ê 透風落雨，看是愈來愈清雲 ang 攏散去，pit-sûn ê khang 喙嘛攏 kian-phĩ 生肉 ah；m̄-koh，文祥若正經去外口 tau 夥計，我是無 hit-lō bá 仔面 thang 去唸伊、管伊；siáng 叫我少年袂曉想.....。

..... hit 當時，伊無 kā 我趕出 - 去、無 kah 我離緣，tāk 個月 koh 無減我 ê 錢項，我都見笑 kah m̄ 敢 giáh 頭起來看伊，兩、三冬攏袂愛出門，連講話都驚心 lún 膽 kàu tann，tō 準講伊今仔日 tī 外口 飼查某，我是連半聲 to m̄ 敢 hainn，koh-khah 免講是 tshuā 夥計去 tshit-thó 這款無 tap 無 sap ê 小事！

.....hit 時陣 ê 文祥，帶念翁某 ê 舊情，koh 無 kā tsia-ê sia-si 眾 ê 代誌，講 hōo 阮 ê 兄弟姊妹知，答謝恩情都袂赴 ah，khah 有去 kā 掠包 ê 道理？

想 kah 無頭無 tsáng ê 時陣，春菊有聽著鎖匙開門 ê 聲，應該是文祥 tńg 來.....。

「菜煮好 ah.....」春菊 uan-ná 真定著，ná 行出去 tsih 文祥 ê 公文袋仔，ná koh 講：「會 thiàm 無？」

看起來老孀仔老孀，穿紅花格仔衫 ê 文祥，坐 tī 椅 kóo 頭仔 ná 褪襪仔 ná koh 講：「tī 中山樓開會是坐 kah 聽 niâ，生成袂 thiàm kàu tó 位；m̄-koh，下晡 ê 課程排去二子坪，做自然生態觀摩，沿路 tsiáu 用行 ê，踢差不多一點鐘，強 beh thih 腿去！」

講到 tsia，文祥攏無騙伊，tshun hit-ê 10 枝指頭勾 ân-ân ê 查某是 siáng 猶無講著，春菊袂愛去追、嘛無 hit 號膽去問；顛倒是 m̄ 是有去 hōo hit 隻狐狸精 giáp 去、suh ta 去？才是伊 ài 去 khe-khó ê khang-khuè.....；sa 有主心定 ê 春菊，ná 貯飯 ná 講：「你緊食，我來 làu 燒水.....，kā 汗酸沖沖咧。」

洗好 the tī 澎椅看電視 ê 文祥 tsiânn 無時間，手機仔接無 hioh.....；有講 tó 一 tah ê sit 頭 beh 初驗、beh 會勘、beh 坐啥 mih 車去現場.....，講 kah 袂 tit thang 煞；猶有一寡 ká-ná 是工事設計 ê mê 角，專業 kàu 聽無.....；春菊 tī 房間 tsih 衫，大體仔有聽 tiòh，揣無啥 mih hōo 伊 giâu 疑 ê 所在。

暗時 9 點外，大雨潑 tī khàm 玻璃纖維浪板 ê 鳥踏仔頂懸，親像熱鼎炒塗豆按呢，落 kah sà-sà 叫，講是 tshò 人耳、吵人 ê 眠.....；顛倒 hōo 文祥 hìng kah phút-phút-tiō，趁 tsit-ê 袂 hông 聽著 ê láu-pái，比閒頭時仔 lóng 較出力、hainn 較 âng 聲，連春菊嘛 khioh 這 ê 順風駛緊船，peh tsiūnn peh 落、ná 搖 ná giáp，2 ê m̄ 是 kan-ta 歡喜 niâ，是爽 kah 暢袂退，tsiânn 久都無 hiah 燒 lō 過。

論真，文祥 ê 目色 tsiânn 利.....，tī m̄ 是歇暈日 ê 二子坪，原本 to 無幾 ê 人會行跤 kàu，料袂到 kā 玉霞手蹄仔 tēnn ân-ân ê hit 時陣，伊遠遠 tō 先認著 in hit-ê 矮肥 koh 大 nâ 喉空、厚話 koh kiáp 喙 ê 姨仔，嘛 tú 好 suan 來 tsia peh 山，人 to 未 kàu 聲先 kàu.....；跤手 tsiânn mé ê 文祥 giú 玉霞 ê 手脈仔，3 huáh 做 2 huáh 行對大屯坪 hia 去，攏無 koh uat 頭。

Tī tng 厝 ê 半路中，文祥知影下昏暗 kuat 定有戲 thang 搬，齣頭 beh pinn 啥伊臆無；m̄-koh，春菊定著會 khinn uá 來 khing.....；會按呢舞，嘛 m̄ 是啥 mih 意外，若無才是奇！

14、Tiòh 賊偷

「祥哥，你緊來！」拜五落班 ê 時陣，玉霞 tsiânn 驚惶 khà 手機仔來：「..... 鐵門 hōo 人 giáunn 開，柴 ê 門斗邊 koh 插一枝 khiāu kah 彎去 ê 螺絲絞；m̄ 知賊仔有 tī 內底無，我會驚！」

「你這陣 tī-tuè？」

「落來 tī 樓跔 ê 大門邊，我 m̄ 敢 koh 起 lih.....」

「免驚，我大概 15 分鐘會到.....」文祥 ná kā 車 sèh 翻頭，ná koh suà 話講：「..... 你先去派出所報警.....」

講是 15 分，舞半點鐘才到，連揣機車這款細細 ê 車位嘛 gô 一睷；行起 lih 2 樓，內底有 2 ê 警察 tng-teh 看現場、問話.....。

「厝內 kah 無 ka-lauh mih 件，螺絲絞 koh 插 tī 門縫.....；這籬 gōng 賊，應該是門猶未 phah 開 tō 聽著有人行跔 kàu，自按呢無 khà 收 ke-si 頭仔，tō 走 kah 噴 khing 去！」

玉霞刁工 koh 問警察講：「巷仔口 ê 監視鏡頭，m̄ 知有錄 tiòh-無？」

「才發包 niâ，都未完工，生成嘛無。」

「較害 ê 是門斗 hōo 螺絲絞鑿 kah 貓貓蛙蛙，無修理袂煞.....」

另外一 ê 警察隨接話：「liám-mi 若有閒，ài 麻煩恁來派出所做報案 ê 筆錄。」講煞就走 ah。

文祥 suà 手連絡一間做鐵窗 ê，來修理門扇；過差不多半點鐘，人 tō kàu--ah。

頭家講：「修理柴門，比做新 ê 較貴；kui 氣內外扇總換白鐵仔，顛倒算較會 hó，koh m̄ 驚賊偷來 kiāu 門……」

「按呢 tiòh-ài 開佻濟錢？」

「Tàk-ê 攏熟 sāi kah 有 tshun……，算你萬六 tō 好 ah。」

「做 bī 是萬五較好算……」文祥 sīm 兩、三秒才 koh 講：「tī 時會使來做？」

頭家真 a-sa-lih，對喙隨講：「下昏款料，明 á 下晡來做，暗 tō 好 ah。」

文祥 jīm 1 萬箍出來講：「tsia-ê 先 hōo 你做定頭，尾款 thing 候做煞才付……」

「多謝！多謝！」頭家一直 tīm 頭 ná 行 ná koh 講：「我先失禮……！」

送頭家出門了後，文祥 kā 猶會關 tit ê 柴門 khōng uá 來，隨聽著尻川後玉霞 teh sai-nai ê 聲……。

「人 m̄ 管啦！」玉霞面憂憂坐 tī 膨椅講：「……下昏暗，阮 2 ê 囡仔 tsiānn uànn 才會 tńg 來，你 ài tiàm tsia 陪我。」

「好 ah，」文祥 uá 去 kā 玉霞攬 án 講：「……m̄-koh，你 ài 煮暗頓 hōo 我食！」

Kā 文祥 ê 胸坎 siām tiāu--tiòh，玉霞 ê 心肝才有較定著、安穩落來。

15、夢

過一睏仔久，玉霞雄雄 kā 文祥 sak 開 講：「頂站仔定定做一種夢……，早 to 想 beh 問你，khah 會知影 tàk-pái 起牀了後都隨袂記 ah；koh m̄ 是一 kái niâ！」

文祥掠伊金金看才講：「啥 mih 夢？」

「想無啥會起來……」玉霞 ná giú 衫 hōo tshun, ná koh 講：「內底 hit ê 身影霧霧無佻清，面形仔應該是恁牽手 uì 後壁惡 khiák-khiák tsông 出來罵我……」

「伊按怎詈……」

「人記袂清 ah- 啦！」玉霞頓 tenn 兩、三秒講：「大體仔是罵我袂見袂笑，搶伊 ê 翁……」

「Suà--lueh 咧？」

「……我 tō 驚 kah 精神起來，一身軀 tshìn 汗，喘 kah 袂得離……」；「攏嘛你害 ê！」

「害你？」；「tsit 20 thóng 年，你 ê 大細項代誌我攏恬恬 khioh 來做，koh-khah 艱難 ê 像講……，官司 ê 出庭、土地 ê sîng 續、銀行 ê 貸款，攏 so kah 平去；連會頭倒去 hit 款無 poh 面 ê 代誌，都猶 thèh 有對半 tńg 來，按呢 kám 是害你？」

「文祥……」玉霞牽長聲搶 beh 洗清伊無 hit-ê 意思，tō 緊回話講：「人 m̄ 是 teh 講 tse。」

「Iah 無，是啥？」

「人是講……，害我定定 hōo 恁某罵……；有當時 á 醒起來了後，愈想愈 tshìn 心，tō 家已咒誓 buài kah 你好，ná 坐車 ná 叮嚀家已袂使 koh tshap 你！」

「是按怎你會按呢打 tiáp 咧？」

「我家已 teh 暗想……，你顧阮這口灶 ê 氣力較濟過恁 hit 家；……罵我，是伊來託夢，怨我 kā 你纏 siunn ân, kám m̄ 是咧？」

「我敢講你實在古意 kah 有 tshun, 定定 teh 替人想、為別人好，是我 jī 運有透，碰著你這款溫純、好禮 ê 查某人，嘛是祖公仔有保庇，我才有這 ê 福氣；往過 ê 春菊，若有你 ê 一半好，tō 無 hiah 濟代誌 thang tiàm tsia 花 ah。」

「咱 mòi koh liū 往過，好無？」；「..... 伊早 to 改頭換面 ah，冤仇 kám 有深 kah 攏袂消 tháu--hiooh？我 ê 意思是你 ài 分較濟 ê 關愛 hōo 伊，才是正途！」

「講起來話頭長.....」；「uì 伊做 m̄-tiòh hit 工起 kàu tann.....，我赴伊 ê 月給無變，有調薪 tō 照 pha 數加起 -lih，2 ê 囡仔所費、讀冊嘛是我出 ê，按呢 kám 無天良？」

「Tse 是 kah 錢項有牽連 ê.....」玉霞目箍紅紅 koh 講：「.....ah 翁某 ê 情份咧？」

「按呢我 tō 照實講.....」；「伊有血壓、血糖 ê 症頭，ài 有人 tī 身軀邊顧伊，我 tō tsiânn 罕 tit 出張去外口過暝 ah，閒時 á 嘛攏我 tshuā 伊去看病、提藥，跤頭 u 退化無法度做 ê，我總 bāu；猶 koh 有一項你 sù 常講 ê.....『tō 準講你無 hîng，嘛 tiòh 起來應付』，攏有照 khí-kang 去做，按呢 kám 有 thang koh 嫌 siooh？」

「總是.....」玉霞有 liòh 仔喉 tīnn 講：「.....kā 你 pāk tī 我 tsia，是有淡薄仔失德，kám m̄ 是咧？」

「Tse 是你想 ê，顛倒反我想 ê kap 你無仝！」

「按怎無仝？」

「20 冬前.....，tng 我矢志、鬱卒，人強 beh 起 siáu ê 時陣，是你 kā 我點醒、開破，才有今仔日，我敢大聲話講咱是前世積德，這世才有情緣.....」；「欠你 ê 恩情，這世人有法度還無，都猶 m̄ 知 ê 時陣，tō 準春菊後來有反悔、改正，我嘛袂使 kā 你放 sak；koh 再講.....，也無對不住我 ê 所在，名份 koh 攏無 to tsiânn 衰 ah，khah 有 kap 你 tshé ê 道理咧？」

玉霞 ná 聽 ná bih 喙，目屎早都含 tī 目調內，thing 候總講煞，隨翻身 phak 起 lih 文祥 ê 胸坎，開聲大哭.....。

過差不多有一椏香 hiah 久，玉霞 tann 頭 ná jué 目調 ná 講：「咱坐規晷久，suah 袂記 tit 煮暗 neh！」tsik 時 tsông 入去灶竈間.....。

大漢 ê 拖到 10 點半才先到厝；有 kā 講，tióh 賊偷、an 鐵門、明仔暗會完工 ê 代誌，koh 吩咐 ài 斟酌下昏暗 ê 門戶，上好是 sak 桌仔來 tu 門後；交代好勢，文祥才走。

作者感言

多謝評審大人予我這個機會得著小說組第二名；後過，我會閣較拍拚寫台文，用母語來講基層社會的心聲；嘛向望所有干焦會曉聽、講的台灣少年家仔，逐个攞來 giáh 筆，共恁的心聲俗價值觀寫落來，予台灣的母語文學會凍當鬧熱滾滾，繼續泼根、生葉，傳予咱的囡囡孫孫，一直到萬年久遠。

藍春瑞

國立三重高級中學 人事主任

